

Transkription von Urkunde HWI 1361b

Ort, Datierung: Wismar, 1361-05-24

Signatur: Landeshauptarchiv Schwerin, Schuldbriefe 23, 7b/8a

Inhalt: Albrecht II., Herzog zu Mecklenburg: Quittung Gutsverkauf

Wȳ alberd van der gnade godes h(er)tog(e) tu mekele(n)b(or)g . greue tu zwerin tu / starg(arde) vn(de)
tu rozst(oke) here . bekennen vn(de) don wittelich al den ghene(n) de dessen bref / seen horen vn(de)
lesen . dat wȳ mid vōlbort vnser erfname(n) vn(de) na rade vser rat / gheuen hebbe(n) vorkoft vn(de)
vorlaten vn(de) vorkope(n) vn(de) vorlate(n) in desser scrift / tu eme reddeliken kope vn(de) tu eme
Rechten leene . dat ganze dorp tu bezan=/dorpe . vor dreihundert mark vn(de) vif vn(de) druttich mark
lubischer pe(n)ni(n)ghe / vnseme leue(n) ma(n)ne W(er)neken noȳdine vn(de) sine(n) rechten
erfname(n) mid alme recht/te hogeste vn(de) sideste an hand an hals mid vriheȳt vn(de) eghene mid
ack(er)e buet / vn(de) vnghebuet an weyde wat(er)e an wyscherie an molen an wische an holte /an
busche . an torue vn(de) mid alme sineme tubehorende(n) also alz van oldes / ghelegen heft vn(de)
licht an siner schede . alz wȳ dat hebbe(n) . vn(de) ghu(n)/nen eme vn(de) sine(n) erfname(n) dat he
dit vorbenomede dorp . mid sine(n) tubehore(n)/de(n) vorkopen vorsette(n) vn(de) vorlate(n) mach .
Were he edder sine erue(n) wille(n) / sunder tu geȳlikeit wēlt . de wȳ sunderliken bi neme(n) . vn(de)
den ghenen de(n) / he edder sine erue(n) dat gud setten edder vorkope(n) dem scal wȳ edd(er) vse /
erue(n) datsulue dorp lenen mid alme eghendom alz hir vorscreue(n) is W(er)e / och dat Jeniman
Wemeken edder sine erfname(n) in desseme vornomeden / gōde hinde(re)n wolde . dar scole wȳ vn(de)
vse

erfname(n) ene vn(de) sine erfname(n) / af vntfrien vn(de) leddegen . alz eyn land recht vt wyset Tu
merer be/thughinghe . vn(de) bekantinge is vse jngesegel henghet in dessen bref / de gheue(n) vn(de)
screue(n) is tu der wȳsmer na godes bort druttien hundert jar / indeme ene vn(de) sostigeste(n) jare .
des negesten mane(n)daghes der hilge(n) / dreualdicheȳt. Tughe desser dingh sint her otte van dewitze
. her / otte van helpede . ridd(er)e her alberd prouest tu dem nienklost(er)e Joh(ann)es / cropellin vnse
kensel(er)e reymer van plesse hinr(ik) bulow vn(de) h(er)me(n) luttzow knape(n)